

徐樂燕郡無終人也元光閒同主父偃嚴安上書言世務各  
 一事書奏帝召三人謂曰公等皆安在何相見之晚也於是  
 俱拜為郎中尋遷樂中大夫樂書以孝武亟用兵謂天下有  
 土崩之勢語極悚切其後嚴徐皆無甚顯擢然得令終勝主  
 父遠甚樂書尤膾炙人口焉

參史記漢書列傳及州縣各志

樂書曰臣聞天下之患在於土崩不在瓦解古今一也何謂  
 土崩秦之末世是也陳涉無千乘之尊尺土之地身非王公  
 大人名族之後鄉曲之譽非有孔曾墨子之賢陶朱荷頓之  
 富也然起窮巷奮棘矜偏袒大呼天下從風此其故何也由  
 民困而主不恤下怨而上不知俗已亂而政不修此三者陳  
 涉之所以為齊也此之謂土崩故曰天下之患在乎土崩何  
 謂瓦解解吳楚齊趙之兵是也七國謀為大逆魏皆萬乘之  
 君帶甲數十萬威足以嚴其境內財足以勸其士民然不能  
 西攘尺寸之地而身為禽於中原者此其故何也非權輕於  
 匹夫而兵弱於陳涉也當是之時先帝之德未衰而安土樂  
 俗之民眾故諸侯無境外之助此之謂瓦解故曰天下之患  
 不在瓦解由此觀之天下誠有土崩之勢雖布衣窮處之士

遵化通志 卷四十九 人物傳 漢

或首難而危海內陳涉是也況三晉之君或存乎天下雖未  
 治也誠能無土崩之勢雖有疆國勁兵不得還踵而為禽吳  
 楚是也況羣臣百姓能為亂乎此二體者安危之明要賢吳  
 之所留意而深察也聞者關東五穀數不登年歲未復民多  
 窮困重之以邊境之事推數循理而觀之民宜有不安其處  
 者矣因重之不安故易動易動者土崩之勢也故賢主獨觀萬化之  
 原明於安危之機修之廟堂之上而銷未形之患也其要期  
 使天下無土崩之勢而已矣故雖有疆國勁兵陛下還走獸  
 射飛鳥亂游燕之周淫縱恣之觀極馳騁之樂自若金石絲  
 竹之聲不絕於耳帷幄之私能優朱儒之笑不為陛下天  
 下無宿憂仁之資而誠以天下為務則禹湯名不難伴而成  
 康之質寬仁之資而誠以天下為務則禹湯名不難伴而成  
 善於當世親王公此陛下所服也臣聞圖為數世隆南面足依  
 安安則陛下何求而不得何威而不成矣征而不服哉



後漢

田疇字子泰一作子泰右北平無終人也好讀書善擊劍初平元年義兵起董卓遷帝於長安幽州牧劉虞歎曰賊臣作亂朝廷播蕩四海俄然莫有固志身備宗室遺老不得自同於眾今欲奉使展効臣節安得不辱命之士乎眾議咸曰田疇雖年少多稱其奇疇時年二十二矣虞乃備禮請與相見大悅之遂署爲從事具其車騎將行疇曰今道路阻絕寇虜縱橫稱官奉使爲眾所指名願以私行期於得達而已虞從之疇乃歸自選其家客與年少之勇壯慕從者二十騎俱往虞自出祖而遣之既取道疇乃更上西關出塞傍北山直趣朔方循閒徑去遂至長安致命詔拜騎都尉疇以爲天子方蒙塵未安不可以荷佩榮寵固辭不受朝廷高其義二府並辟皆遵化通志

卷四十九

列傳

後漢

四

不就得報馳還未至虞已爲公孫瓚所害疇至謁祭虞墓陳發章表哭泣而去瓚聞之大怒購求獲疇謂曰汝何自哭劉虞墓而不送章報於我也疇答曰漢室衰頹人懷異心唯劉公不失忠節章報所言於將軍未美恐非所樂聞故不進也今將軍方舉大事以求所欲既滅無罪之君又讐守義之臣誠行此事則燕趙之士皆將蹈東海而死耳豈忍有從將軍者乎瓚壯其對釋不誅也拘之軍下禁其故人莫得與通或說瓚曰田疇義士君弗能禮而又囚之恐失眾心瓚乃縱遣疇疇得北歸率舉宗族他附從數百人掃地而盟曰君仇不報吾不可以立於世遂入徐無山中營深險平敞地而居躬耕以養父母百姓歸之數年間至五千餘家疇謂其父老曰諸君不以疇不肖遠來相就眾成郡邑而莫相統一恐非久



安之道願推擇其賢長者以爲之主皆曰善僉推囑囑曰今  
來在此非苟安而已將圖大事復怨雪恥竊恐未得其志而  
輕薄之徒自相侵侮愉快一時無深計遠慮疇有愚計願與  
諸君共施之可乎皆曰可疇乃爲約束相殺傷犯盜爭訟之  
法法重者至死其次抵罪二十餘條又制爲婚姻嫁娶之禮  
興舉學校講授之業班行其眾眾皆便之至道不失遺北邊  
僉然服其威信烏丸鮮卑並各遣譯使致貢遺疇悉撫納令  
不爲寇袁紹數遣使招命又卽受將軍印因安輯所統疇皆  
拒不納紹死其子尙又辟焉疇終不行疇常忿烏丸昔多賊  
殺其郡冠蓋有欲討之意而力未能建安十二年司空冀州  
牧曹操北征烏丸未至先遣使辟疇又命田預喻指疇戒其  
門下趣治嚴門人謂曰昔袁公慕君禮命五至君義不屈今

遼化通志

卷四十九

列傳

後漢

五

曹公使一來而君若恐弗及者何也疇笑而應之曰此非君  
所識也遂隨使者到軍署司空曹掾引見諮議明日出令  
曰田子泰非吾所宜吏者卽舉茂才拜爲薺令不之官隨軍  
次無終時方夏雨水而濱海沔下澶滯不通虜亦遮守蹊要  
軍不得進操患之以問田疇疇曰此道秋夏每常有水淺不  
通車馬深不載舟船爲難久矣舊北平郡治在平岡道出盧  
龍達於柳城自建武以來陷壞斷絕垂二百載而尙有微徑  
可從今虜將以大軍當由無終不得進而退懈弛無備若嘿  
回軍從盧龍口越白檀之險出空虛之地路近而便掩其不  
備蹋頓之首可不戰而禽也操曰善乃引軍還而署大木表  
於水側路傍曰方今暑夏道路不通且俟秋冬乃復進軍虜  
候騎見之誠以爲大軍去也操合疇將其眾爲鄉導上徐無



山出盧龍歷平岡登白狼堆去柳城二百餘里虜乃驚覺單于親自臨陣操交戰遂大斬獲追奔逐北至柳城軍還入塞論功行封封疇亭侯邑五百戶疇自以始為君難率眾遁逃志義不立反以為利非本意也固讓操知其至心許而不奪遼東斬送袁尚首令三軍敢有哭之者斬疇以嘗為尚所辟乃往弔祭操亦不問疇盡將其家屬及宗人三百餘家居鄴操賜疇車馬穀帛皆散之宗族知舊從征荆州還操追念疇功殊美恨前聽疇之讓曰是成一人之志而虧王法大制也於是乃復以前爵封疇疇上疏陳誠以死自誓操不聽欲引拜之至於數四終不受有司劾疇狷介違道苟立小節宜免官加刑操重其事依違者久之乃下世子及大臣博議世子以疇同於子文辭祿申胥逃賞宜勿奪以優其節尚書令遵化通志

卷四十九

列傳 後漢

六

荀彧司隸校尉鍾繇亦以為可聽太祖猶欲候之疇素與夏侯惇善太祖語惇曰且往以情喻之自從君所言無告吾意也惇就疇宿如操所戒疇揣知其指不復發言惇臨去乃拊疇背曰田君主意殷勤會不能顧乎疇答曰是何言之過也疇負義逃竄之人耳蒙恩全活為幸多矣豈可賣盧龍之塞以易賞祿哉縱國私疇獨不愧於心乎將軍雅知疇者猶復如此若必不得已請願效死刎首於前言未卒涕泣橫流惇具答操操喟然知其不可屈乃拜為議郎年四十六歲卒子又早死曹丕踐阼高疇德義賜疇從孫續爵關內侯以奉其嗣

三國魏志列傳

今畿東州縣皆祀鄉賢

據州縣各志

案本傳稱太祖今改書曹操文帝改書曹丕依紫陽

綱目例也



晉陶潛弔田疇詩辭家夙嚴駕當仕志無終問其風生非戎聞有田子春節義為士雄斯人久已死中其方孝儒田疇贊并序智勇人之所有也善用之為難忠義人之所慕也審處之為難天下亦有豪傑之士而功不見於世何也豈其智勇之不及忠義之沮喪歟用之失其時處之違其機者眾也苟或不不用曹操則可以比子房董卓曹等而皆逆亂則可追韓廉丹王尋為漢而死則可以與周亂酷矣余求奇士於其時得一人焉白田疇忠不避難勇不畏死奮然威劉虞之遇害而思為之報警公孫瓚既亡謂可以盡力者漢室而已故應曹操之辟既而知曹非忠漢者也故辭封侯之爵介不同俗清不悖倫忠不慕功義不苟合其才良行果蓋豪傑之士非當時奸雄所及也論者眩於成敗使曹以奸詐之功見取而疇之志義不大有為若疇者庸非其人耶其不成功者命也豪傑之士制於命而不獲施者眾矣善觀人者觀其志不觀其事觀其器不觀其位由是而言士之不幸者獨疇乎哉吾以是悲而贊之古之觀人而不於用舍者操吾獨何為田疇是悼操雖據國大畧齊有光漢季分爭得國下不容奚若田疇忠義蓋世委質劉虞身死摩二筑投之命為漢大臣殺操復漢必不顧身嗚呼剛夫惟利是圖誰能為

遵化通志

卷四十九

列傳

後漢

疇我與之友



郭涼字公文右北平人身長八尺氣力壯猛爲武將然通經書多智略尤曉邊事有名北方幽州牧朱浮辟爲兵曹掾擊彭寵有功封廣武侯建武九年官雁門太守與驃騎大將軍杜茂擊盧芳將尹由於繁時十二年由與賈丹霍匡解勝等共守平城丹等聞芳敗遂共殺由詣涼涼上狀皆封爲列侯自是芳城邑稍稍來降涼誅其豪右郇氏之旬屬鎮撫羸弱月間雁門且平芳遂亡入匈奴帝擢涼子爲中郎宿衛左右

後漢書

魏攸右北平人幽州牧劉虞以爲東曹掾虞之將攻公孫瓚也以告攸攸曰今天下引領以公爲歸謀臣瓜牙不可無也瓚才兼文武雖有小惡固宜容忍虞乃止頃之攸卒虞起兵攻瓚遂爲瓚所殺

後漢書

遵化通志

卷四十九

列傳

程普字德謀右北平土垠人也初爲州郡吏有容貌計略善於應對從孫堅征伐討黃巾於宛鄧破董卓於陽人攻城野戰身被創夷堅薨復隨孫策在淮南從攻廬江拔之還俱東渡策到橫江當利破張英于麋等轉下秣陵湖熟句容曲阿普皆有功增兵二千騎五十四進破烏程石木波門陵傳餘杭普功爲多策入會稽以普爲吳郡都尉治錢塘後徙丹陽都尉居石城復討宣城涇安吳陵陽春穀諸賊皆破之策嘗攻祖郎大爲所圍普與一騎共蔽并策驅馬疾呼以矛突賊賊披策因隨出後拜蕩寇中郎將領零陵太守從討劉勳於尋陽進攻黃祖於沙羨還鎮石城策薨與張昭等共輔孫權遂周旋三郡平討不服又從征江夏還過豫章別討樂安樂遵化通志

卷四十九

列傳

安平定代太史慈備海普與周瑜爲左右督破曹公於烏林又起攻南郡走曹仁拜裨將軍領江夏太守治沙羨食四縣先出諸將普最年長時人皆呼程公性好施與喜士大夫周瑜卒代領南郡太守權分荊州與劉備普復還領江夏遷蕩寇將軍卒權稱尊號追論普功封子咨爲亭侯

三國吳志列傳



陽裕字士倫右北平無終人也少孤兄弟皆早亡單煢獨立  
雖宗族無能識者惟叔父耽幼而奇之曰此兒非惟吾門之  
標秀佐時之良器也刺史和演辟爲主簿王浚領州轉治中  
從事忌而不能任石勒旣剋薊城問藹嵩曰幽州人士誰最  
可者嵩曰燕國劉翰德素長者北平陽裕幹事之方勒曰若  
如君言王公何以不任嵩曰王公由不能任所以爲明公擒  
也勒方任之裕乃微服潛遁時鮮卑單于段眷爲晉驃騎大  
將軍遼西公雅好人物虛心延裕裕謂友人成滓曰仲尼喜  
佛辟之召以匏瓜自喻伊尹亦稱何事非君何使非民聖賢  
尙如此何況吾曹乎眷今召我豈徒然哉滓曰今華夏分崩  
九州幅裂軌迹所及易水而已欲偃蹇考槃以待通者俟河  
遵化通志

卷四十九

列傳

晉

十

之清也軍人壽幾何古人以爲白駒之歎少游有云郡掾足  
以蔭後況國相乎卿追蹤伊孔抑亦知幾其神也裕乃應之  
拜郎中令中軍將軍處上卿位歷事段氏五主甚見尊重段  
遼與毓相攻裕諫曰臣聞親仁善鄰國之寶也慕容與國世  
爲姻婚且毓合德之主不宜連兵構怨凋殘百姓臣恐禍害  
之興將由於此願兩追前失通款如初使國家有太山之安  
蒼生蒙息肩之惠遼不從出爲燕郡太守石季龍尅令支裕  
以郡降拜北平太守徵爲尙書左丞段遼之請迎於季龍也  
裕以左丞相領征東麻秋司馬秋敗裕爲軍人所執將詣毓  
毓素聞裕名卽命釋其囚拜郎中令遼大將軍左司馬東破  
高句麗北滅宇文歸皆豫其謀毓甚器重之乃遷都和龍裕  
雅有巧思毓所制城池宮閣皆裕之規模裕雖仕毓日近寵



秩在舊人之右性謙恭清儉剛簡慈篤雖歷居朝端若布衣之士士大夫流亡羈絕者莫不經營收葬存恤孤遺士無賢不肖皆傾身待之是以所在推仰初范陽盧謹每稱之曰吾及晉之清平歷觀朝士多矣忠清簡毅篤信義烈如陽士倫者實亦未幾及死孰甚悼之時年六十一

陽字士秋右北平無終人也父耽仕虜官至東夷校尉舊少清素好學器識沉遠起家爲平州別駕屢獻安時疆國之術事多納用虜甚奇之孰卽王位遷左長史東西征伐參謀幃孰臨終謂雋曰陽士秋忠幹貞國可託付大事汝善待之雋之將圖中原也鷲制勝之功亞于慕容恪暉旣嗣僞位申以師傳之禮親遇日隆及爲太尉慨然而歎曰昔常林徐邈先代名臣猶以鼎足任重而終辭三事以吾虛薄何德以遵化通志卷四十九列傳晉

十一

堪之固求罷職言甚懇至暉優答不許鷲清眞謙謹老而彌篤旣以宿望舊齒自慕容恪已下莫不畢拜性儉約常乘弊車瘠馬及死無斂財

以上據晉書



後魏

陽尼字景文北平無終人少好學博通羣籍與山谷侯天護頓印李彪齊名幽州刺史胡泥表薦之徵拜祕書著作郎奏佛道宜在史錄後改中書學爲國子學時中書監高閭侍中李冲等舉爲國子祭酒高祖嘗親在苑堂講諸經典詔尼侍聽賜帛百疋尼後兼幽州中正出爲幽州平北府長史帶漁陽太守未拜坐爲中正時受鄉人財貨免官還鄉遂卒於薊州年六十一有書數千卷所造字釋數十篇未就其從孫太學博士承慶撰字統二十卷行於世子介字天佐奉朝請冀州獻曹參軍早卒尼從子鳴鶴鳴鶴弟季智俱有名於時前後並爲幽州司馬季智子璠通直散騎常侍季智從弟荆范陽太守有吏能卒贈平西將軍東益州刺史季智從子伯慶

遵化通志

卷四十九

列傳

後魏

汝南太守伯慶從父弟藻字景德少孤有雅志涉獵經史太和初舉秀才射策高第以母疾還徵拜中書博士詔兼禮官拜燕宣王廟於長安還授寧遠將軍賜爵魏昌男選爲廷尉正轉考功郎中除建德太守以清貧賜帛六十疋尋復假寧遠將軍領統軍外防內撫甚得聲譽尋解任還家久之除兗州左將軍府長史又拜瀛州安東府長史加揚烈將軍闔門自守不問世事孝昌中在鄉爲賊帥杜洛周所囚發病卒永熙中贈征虜將軍幽州刺史子貞字世幹早卒貞弟弼字世輔長於吏事本州別駕加輕車將軍屬洛周陷城弼遂率宗親南渡河居於青州值邢杲起逆青州城民疑河北人爲杲內應遂害弼時年四十八子搗襲祖爵弼弟裴武定末尙書右丞藻從弟令鮮京兆王愉郎中令坐同愉反逃竄兇會赦



除名子世和武定末齊州驃騎司馬藻從弟延興南幽州刺史延興從弟固字敬安少任俠好劍客弗事生產年二十六始折節好學遂博覽篇籍有文才太和中從大將軍宋王劉景征義陽板府法曹行參軍假陵江將軍景嚴暴治軍甚急固啟諫并面陳事宜景大怒欲斬之使監當攻道固在軍勇決志意閒雅了無懼色景甚奇之軍還言之高祖年三十餘始辟大將軍府參軍事署城局仍從景鎮彭城板兼長史俄以憂去任裴叔業以淮南內附世宗詔平南將軍廣陵侯元衍與司徒彭城王勰同鎮壽春敕固爲衍司馬還除太尉西閤祭酒兼廷尉評上改定律令議除給事中出爲試守平北太守甚有惠政入之以事免後除給事中領侍御史轉治書勅奏廣平王懷汝南王悅南陽長公主及使懷荒鎮將萬貳

遵化通志

卷四十九

列傳

後魏

望風逃走勅恆農太守裴粲免官時世宗廣訪得失固上支曰臣聞爲治不在多方在於力行而已當今之務宜早正東儲立師傅以保護立官司以防衛以系蒼生之心攬權衡親宗室強幹弱枝以立萬世之計舉賢良黜不肖使野無遺才朝無素餐孜孜萬幾躬勤庶務使民無謗讟之日省徭役薄賦斂修學官遵舊章貴農桑賤工賈絕談虛窮微之論簡桑門無用之費以存元元之民以救飢寒之苦上合昊天之心下悅億兆之望然後備器械修甲兵習水戰滅會撰封禪之禮襲軒唐之軌同彼七十二君之徽號協定鼎嵩河之心副高祖殷勤之寄上與三皇比隆下與五帝齊美豈不茂哉臣位卑識昧言不及義屬聖明廣訪敢獻瞽言伏願陛下留神少垂究察時世宗委任羣下不親政事好桑門之法尙書



令高肇以外戚權寵專決朝事又咸陽王禧等並有異故宗  
室大臣相見疏薄而王畿民庶勞敝益甚固乃作南北二都  
賦稱恆代田漁聲樂侈靡之事節以中京禮儀之式因以諫  
諫世宗末中尉王顯起宅既成集寮屬饗宴酒酣問固曰此  
宅何如固對曰宴嬰湫隘流稱於今豐屋生災著於周易此  
蓋同傳舍耳唯有德能卒願公勉之顯默然他日又謂固曰  
吾作太府卿庫藏充實卿以爲何如固對曰公收百官之祿  
四分之一州郡贓贖悉入京藏以此充府未足爲多且有聚  
斂之臣寧有盜臣豈不戒哉顯大不悅因奏固贖請米麥免  
固官既無事役遂闔門自守著演頤賦以明幽微通塞之事  
又作刺讒疾璧幸詩肅宗即位除尙書考功郎奏諸秀孝中  
第者聽敘自固始大軍征碓石敕爲僕射李平行臺七兵郎

道化道志

卷四十九

列傳

後魏

中平奇固勇敢軍中大事悉與謀之又命固節度水軍固設  
奇計先期乘賊獲其外城軍罷太傅清河王懌舉固除步兵  
校尉領汝南王悅郎中令尋加寧遠將軍時悅年少行多不  
法屑近小人固上書切諫並面陳往代諸王賢愚之分以感  
動悅悅甚敬憚之懌大悅以爲舉得其人熙平二年除洛陽  
令將軍如故在縣甚有威風丁母憂號慕毀病杖而能起練  
禪之後猶酒肉不進時固年踰五十而喪過於哀鄉黨親族  
咸歎服焉神龜末清河王懌領太尉辟固從事中郎屬懌被  
害元乂秉政朝野震悚懌諸子及門生吏寮莫不慮禍隱避  
不出素爲懌所厚者彌不自安固以嘗被辟命遂獨詣喪所  
盡哀痛哭良久乃還僕射游肇聞而歎曰雖樂布王修何以  
尙也君子哉若人及汝南王悅爲太尉選舉多非其人又輕



拜樞掾固以前爲元卿雖離國猶上疏切諫

固爲從事中郎不就正光二年京兆王繼爲司徒高選官寮  
辟固從事中郎加鎮遠將軍府解除前軍將軍鎮遠如故又  
典科揚州勳賞初硃石之役固有先登之功而朝賞未及至  
是與尙書令李崧訟勳更表崇雖貴盛固據理不撓談者稱  
焉四年九月卒時年五十七贈輔國將軍太常少卿謚曰文  
固剛直雅正不畏疆禦居官清潔家無餘財終歿之日室徒  
四壁無以供喪親故爲其棺斂焉初固著稽制一篇務從儉  
約臨終又敕諸子一遵先制固有三子長休之武定末黃門  
郎休之弟詮之字子衡少著才名辟司徒行參軍早爲門生  
所害時人悼惜之

遵化通志

卷四十九

列傳

後魏



陽休之字子烈右北平無終人也父固魏洛陽令贈太常少卿休之儒爽有風采少勤學愛女藻弱冠擅聲爲後來之秀幽州刺史常景王延年竝召爲州主簿魏孝昌中杜洛周破薊城休之與宗室及鄉人數千家南奔章武轉至青州是時葛榮寇亂河北流民多湊青部休之知將有變乃請其族叔伯彥等曰客主勢異競相凌侮禍難將作如鄙情所見宜潛歸京師避之諸人多不能從休之垂涕別去俄而邢杲作亂伯彥等咸爲士民所殺一時遇害諸陽死者數十人唯休之兄弟獲免莊帝立解褐員外散騎侍郎尋以本官領御史遷給事中太尉記室參軍加輕車將軍李神儁監起居注啟休之與東裴伯茂范陽盧元明河間邢子明等俱入撰次承

遵化通志

卷四十九

列傳

北齊

六

安末洛州刺史李海啟除冠軍長史普泰中兼通直散騎侍郎加鎮遠將軍尋爲太保長孫稚府屬尋勅與魏收李同軌等修國史太昌初除尚書祠部郎中尋進征虜將軍中散大夫賀拔勝出爲荊州刺史啟補驃騎長史勝爲行臺又請爲右丞勝經略樊沔又請爲南道軍司俄而魏武帝入關勝令休之奉表詣長安參謁時高祖亦啟除休之太常少卿尋屬勝南奔仍隨至建業休之聞高祖推奉靜帝乃白勝啟梁武求還以天平二年達鄴仍奉高祖命赴晉陽其年冬授世宗開府主簿明年世宗爲大行臺復引爲行臺郎中四年高祖幸汾陽之天池於池邊得一石上有隱起其文曰六王三川高祖獨於帳中問之此文字何義對曰六者是大王之字王者當王有天下此乃大王符瑞受命之徵旣於天池得此石



可謂天意命王也吉不可言高祖又問三川何義休之曰河  
洛伊爲三川亦云涇渭洛爲三川河洛伊洛陽也涇渭洛今  
雍州也大王若乘天命終應統有關石高祖曰世人無事當  
道我欲反今聞此更致紛紜慎勿妄言也元象初錄荊州軍  
功封新泰縣開國伯食邑六百戶除平東將軍太中大夫尙  
書左民郎中興和二年兼通直散騎常侍副清河崔長謙使  
於梁武定二年除中書侍郎尙書五年兼尙食典御七年除  
太子中庶子遷給事黃門侍郎進號中軍將軍幽州大中正  
八年兼侍中持節奉璽書詣并州敦喻顓祖爲相國齊王是  
時顓祖將受魏禪發晉陽至平陽郡爲人心未一旦還并州  
恐漏泄仍斷行人休之性疏放使遷遂說其事鄴中悉知後  
高德政以聞顓祖忿之而未發齊受禪除散騎常侍修起居  
遵化通志

卷四十九

列傳

北齊

七

任頃之坐詔書脫誤左遷驃騎將軍積前事也尋以禪讓之  
際參定禮儀別封始平縣開國男以本官兼領軍司馬後除  
都水使者歷司徒掾中書侍郎尋除中山太守顓祖崩徵休  
之至晉陽經紀喪禮乾明元年兼侍中巡省京邑仍拜大鴻  
臚卿領中書侍郎皇建初以本官兼度支尙書加驃騎大將  
軍領幽州大中正肅宗留心政道每訪休之治術休之答以  
明賞罰慎官方禁淫侈恤民患爲政治之先帝深納之大寧  
中除都官尙書轉七兵祠部河清三年出爲西兗州刺史天  
統初徵爲光祿卿監國史休之在中山及治西兗俱有惠政  
爲史民所懷去官之後百姓樹碑頌德尋除吏部尙書食陽  
武縣幹除儀同三司又加開府休之多識故書譜悉氏族凡  
所選用莫不才地俱允加金紫光祿大夫武平元年除中



監尋以本官兼尚書右僕射二年加左光祿大夫兼中書監  
三年特加進五年正中書監餘竝如故尋以年老致仕抗  
辭位帝優答不許六年除正書右僕射未幾又領中書監休  
之本懷平坦爲士友所稱晚節說祖珽撰御覽書成加特進  
休之好學不倦博綜經史文章雖不華靡亦爲典正邢魏殂  
後以先達見推位望雖高虛懷接物爲搢紳所愛重周武平  
齊隨駕後赴長安尋除開府儀同厯納言中大夫太子少保  
大象末進位上開府除和州刺史隋開皇二年罷任絡於洛  
陽年七十四所著文集三十卷又節北幽州人物志竝行於世  
子辟疆武平末尙書水部郎中節北

遵通志

卷四十九

列傳

北齊

六



隋

榮毗字子諶北平無終人也父權魏兵部尚書毗少剛鯁有局量涉獵群言仕周釋祖漢干記室轉內史下士開皇中累遷殿內監時以華陰多盜賊妙長吏楊素薦爲華州長史世號爲能素之田宅多在華陰右放縱毗以法繩之無所寬貸毗因朝集素謂之曰素之舉卿適自罰也毗曰奉法一心者但恐累公所舉素笑曰前者戲耳卿之奉法素之望也時晉王在揚州每令人密覘京師消息遣張衡於路次往往置馬坊以畜牧爲辭實給私人也州縣莫敢違毗獨遏絕其事上聞而嘉之賚絹百匹轉蒲州司馬漢王諒之反也河東豪傑以城應諒刺史丘和覺遁歸關中長史勃海高義明謂毗曰河東要之東門若失之則爲難不細城中雖復恟

道化通志

卷

十九

列傳

隋

恟非悉反也但收桀黠者十餘人斬之自當立定耳毗然之義明馳馬追和將與協計至城西門爲反者所殺毗亦被執及諒平拜治書侍御史帝謂之曰今日之舉馬坊之事也無改汝心帝亦敬之毗在朝侃然正色爲百寮所憚後以母憂去職歲餘起令視事尋卒官贈鴻臚少卿毗兄建緒性亮直有學業仕周爲載師下大夫儀同三司及平齊之始留鎮鄆城因著齊紀三十卷建緒與高祖有舊及爲丞相加位開府拜息州刺史將之官時高祖陰有禪代之計因謂建緒曰且躊躇當共取富貴建緒自以周之大夫因義形於色曰明公此旨非僕所聞高祖不悅建緒遂行開皇初來朝上謂之曰卿亦悔不建緒稽首曰臣位非徐廣情類楊彪上笑曰朕雖二解書語亦知卿此言不遜也歷始洪一州刺史俱有能名



韓知古薊州玉田人善謀有識量太祖平薊時知古六歲為  
信欽皇后兄欲穩續通志作允所得后來嬪知古從焉久之未得

省見怏怏不得志挺身逃備保以供資用其子匡嗣得親近

太祖因間言太祖召見與語賢之命參謀議史太祖破劉守

光軍詔赴龍化州建碑以紀功德太祖本紀神策初遙授彰武軍

節度使久之信任益篤總知漢兒司事兼主諸國禮儀時儀

法疏闊知古援據故典參酌國俗與漢儀雜就之使國人易

知而行頃之拜左僕射案續通志云太祖未建元之三年知古已為左僕射與康默記

將漢軍征渤海有功遷中書令天顯中卒為佐命功臣之一

子匡嗣雜傳見遼史

耶律隆運本姓韓名德讓西南面招討使匡嗣之次子也統

遵化通志 卷四十九 列傳 卷

和十九年賜名德昌二十二年賜姓耶律二十八年復賜名

隆運重厚有智略明治體喜建功立事侍景宗以謹飭聞遼史

帝嬰疾后燕燕與決國事雅重之契丹國志加東頭承奉官補樞

密院通事轉上京皇城使案續通志云百官志原名上京城隍使遙授彰德軍

節度使代其父匡嗣為上京留守權知京事甚有聲尋復代

父守南京時人榮之宋兵取河東侵燕五院札詳袞景帝紀作北院

大希達原作奚底統軍蕭托果原作續古續通志作蕭特庫等敗歸宋兵圍城

招君甚急人懷二心隆運登城日夜守禦援軍至圍解及戰

高粱河宋兵敗走隆運嬰擊又破之以功拜遠興軍節度使

徵為南院樞密使遼史景宗疾隆運不俟詔密召其親屬等十

餘人竝赴行帳時諸王宗室擁兵握政后當朝雖久然少姻

婭助諸皇子幼稚內外震恐隆運請於后易置大臣敕諸王



各歸第不得私燕會時趙王等俱在上京隆運奏召其妻子

赴闕帝崩布置已定乃集蕃漢臣僚契丹志立梁主為帝皇后

為皇太后稱制隆運總宿衛事太后益寵任之統和元年加

開府儀同三司兼政事令崇續通志云聖宗紀統和二年以隆運兼政事令元年隆運方丁父

出師敗之加守司空崇聖宗紀作司徒契丹國志亦作司徒封楚

國公師還與北府宰相室昉共執國政上言西州數被兵加

以歲饑輕稅賦以來流民從之六年太后觀擊鞠呼勒希

敵乘夜來襲隆運嚴軍以待敗走之封楚王九年復言燕人

挾奸苟免賦役貴族因為囊橐可遣北院宣徽使趙智戒諭

從之十一年丁母憂詔強起之明年室昉致政以隆運代為

遵化通志

卷四十九

列傳

北府宰相仍領樞密使監修國史賜興化功臣十二年六月

諸鞫獄官吏多因請託曲加寬貸或妄行撈掠之行禁止帝

可其奏又表請任賢去邪太后喜曰進賢輔政員大臣之職

優加賜資服闋加守太保兼政事令會北院樞密使耶律色

珍原作薨召隆運兼之久之拜大丞相進王齊總二樞府事

以南京平州歲不登奏免百姓農器錢及請平諸郡商賈價

重從之二十二年從太后南征及河許宋成而還徙王晉賜

姓出宮籍隸橫帳季父房後乃改賜今名位親王上賜田宅

及陪葬地從伐高麗還卒年七十一贈尚書令諡文忠官給

葬具建廟乾陵側無子清甯三年以魏王特布原作子雅魯

耶魯原作為嗣天祚初以皇子額魯溫原作之弟德威德疑

耶魯原作為嗣天祚初以皇子額魯溫原作之弟德威德疑



至則心案契丹國志云隆運孜孜奉國知無不為忠孝至誠

文躬自親書齋戒焚香以隆運輔翼功前後少比乃賜鐵券誓

以隆運一族附籍橫帳列於北平星廟位隆運宜為相以來締

權末朝歲時修睦無少閒除帖服中外靡有邪謀改封晉王

授尚書令賜以几杖入朝不拜上殿不趨左恩數優渥見則盡

人北法讓位惟國主有之帝以隆運勤大恩數優渥見則盡

敬至父事之秦齊二王每日一問起居至隆運所居帳二里

之外已去蓋下車徒步而進既共同也列揖於帳外隆運坐

而受之帝或至其帳亦五十餘步下車隆運出迎盡禮帝亦

先為之揖及入內同家人禮飲膳服食盡一時水陸山川召

國爭為奇怪入貢動駭耳目隆運疾帝與太后禮告山川召

番漢名醫診視朝夕不離左右及薨帝與后諸王公主以下

並內外臣僚制服行喪蒞禮一依承天太后故事靈柩將發

帝內挽轎車哭送羣臣泣葬乃止葬乾陵隆運真容

制度之殿內其眷遇無比如此隆運兄弟九人緣翼戴恩超授

官爵皆封王諸姪二十餘人封王者五人餘皆任節度使部

官等德威性剛介善馳射保甯初歷上京皇城使儒州防禦

使改北院宣徽使統和初案本紀聖宗即位之年韓匡

喪強起復職權西南招討使党項寇邊一戰卻之賜劍許便

遵化通志卷四十九列傳遼

宜行事領圖魯卜原作突呂不德呼原作迭刺三紮軍以討平雙庫赫

古葛原作稍功直授招討使夏州李繼遷叛宋內附德威請納之

既得繼遷諸夷皆從璽書褒獎與特哩充原作楊隱耶律善補敗

宋將楊繼業加開府儀同三司政事門下平章事未幾以山

西城邑多陷奪兵柄李繼遷受賂潛懷二心奉詔率兵往諭

繼遷託以西征不出德威至靈州俘掠而還十五年河西党

項叛復詔討之奏捷於朝據聖宗紀增年五十五卒贈兼侍中子

帕克戡原作終彰國軍節度使早卒二孫色實原作達嚕噶

原作隸魯色實終特哩袞原作楊隱德疑謙遜廉謹保甯中遷護軍

司徒統和中案續通志云統和原文作開泰考聖宗統和

累遷護衛太保都宮使崇義軍節度使移鎮廣德秩滿部民



請留從之改西南面招討使党項隆伊特原在隆伊答判平之遷

大同軍節度使卒於官子吳桑原在終天德軍節度使孫高

嘉努原在終南院宣徽使果實高十終遼興軍節度使制

心小字汗努原在可父德崇善醫視人形色輒決其病累官

至武定軍節度使制心善調鷹隼統和中為歸化州刺史開

泰中拜上京留守進漢人行宮都部署封漆水郡王以皇后

外弟恩遇日隆樞密副使蕭和卓原在卓用事制心奏和卓夏

識度無行檢帝默然每內宴歡洽輒避之皇后不悅曰汝不

樂耶制心對曰寵貴鮮能常保以是為憂耳太平中歷中京

留守特哩袞原在楊隱南京留守徙王燕遷南院大王案續通志云聖宗紀

俱作韓愬蓋合或勸制心奉佛對曰吾不知佛法惟心無私

則近之矣一日沐浴更衣而卧家人聞絲竹之聲怪而入視

遵化通志 卷四十九 列傳 遼

則已逝矣年五十三贈政事令追封陳王守上京時濟禁方

嚴有捕獲私醞者一飲而盡笑而不詰卒之日部民若哀父

母達嚙噶案遼史考證云達嚙噶原作滌魯考興宗紀重熙

使十五年西北路招討使敵魯古坐職免官十九年敵魯古字

遵甯幼養宮中授小將軍重熙初歷北院宣徽使石林牙副

點檢拜特哩袞原在楊隱改西北路招討使封漆水郡王請減軍

籍三千二百八十人後以私取回鶻使者纓毛裘及私取準

布原在阻卜貢物事覺決大杖削爵免官俄起為北院宣徽使十

九年改為烏爾古原在烏古德呼部都詳袞原在詳穩尋為東北

路詳袞原在詳穩封混同郡王清甯初徙王鄧擢拜南府宰相以

年老乞骸骨更王漢太康中薨八十達嚙噶神情秀徹聖

宗子視之興宗待以兄禮雖貴謙初為都點檢扈從獵擊



嶺獲熊帝因樂飲謂達瞻噶曰汝有求乎對曰臣富貴逾分  
不敢他望惟臣叔先朝優遇身沒之後不肖于坐罪籍沒四  
時之薦亨諸孫中得赦一人以主祭臣願畢矣詔免籍復其  
產子燕五官至南京步軍都指揮使史

遷化通志

卷四十九

列傳

遼



王寂字元老薊州玉田人大志父礎字鎮之仕至歸德府判

官寂天德三年進士明一統志終中都路轉運使文學政事為時

所稱卒年六十七諡文肅有拙軒集北遷錄三子欽哉直哉

鄰哉俱為能吏中州集

盧庸字子憲薊州豐潤人大定二十八年進士調唐州軍事

判官再調定平縣令治舊埵引涇水溉田民賴其利補尚書

省令史除南京轉運副使改中都戶籍判官察廉遷禮部主

事累官鳳翔治中大安三年改乾州刺史人為吏部郎中至

甯元年改陝西按察副使夏人犯邊庸繕治平涼城池積芻

粟團結土兵為備十一年夏人掠鎮戎陷涇邠遂圍平涼庸

矢盡募人取夏兵射城上箭以濟急用出府庫賞有功者人

遵化通志卷四十九列傳金

樂為死城賴以完貞祐二年庸移書陝西行省布薩為大梁

謂慶陽平涼德順陝西重地長安以西邠為扼塞當重兵屯

守詔賞平涼功庸進官四階遷按察轉運使三年詔諸道按

察司講究防秋庸陳便宜曰自鄜延至積石雖多溝坂無長

河大山為之屏弊恃弓箭手以禦侮其人皆剛猛善鬪熟於

地利夏人畏之向者徙屯他所夏人即時犯邊此近年深患

也人情樂土且耕且戰緩急將自奮又曰防秋之際宜先清

野又曰掌軍之官不宜臨時易代兵家所忌將非其人屢代

何益無何有言庸老不勝任者即罷之未幾改定海軍節度

使山東亂不能赴被劾當奪兩官審理官直之致仕

年卒史金

盧元字子達玉田人父啟臣字雲叔第進士



溇水先生元幼而敏惠年未二十試於長安為策論魁擢第  
後又中策魁明昌初設宏詞科命公卿舉所知元與郭勳周  
詢張復亨就試凡七日並中選遂入翰苑累遷至待制弟曾  
進士子安字希謝翔字仲升正大末登科

中州集

傅霖玉田人第進士累官至崇義軍節度副使行部臨潢沒

於兵

明一  
魏志

子輔之善承先志文史尤精徹登進士授滎陽令

元兵自關陝集河洛期取汴京輔之以一邑禦之力不支抗

節不屈死

玉田  
縣志

李磐

玉田  
縣志

字仲安玉田人

雍正  
志

父天志為中都副留守

志磐遇事恢廓不為小廉曲謹歷閣門使封隴西郡伯

雍正  
志

食邑七百戶

玉田  
縣志

楊繪字采亭玉田人仕為學士

玉田  
縣志

遵化道志

卷四十九


列傳

金

蒙德厚字敬甫玉田人性剛明循禮守法篤於宗盟鄰族  
口同繫人無閒言嘗有盜排闥入舉家驚懾德厚婉諭之  
遂巡去闢學延師以教諸子多所成立長子著仕至京尹  
仕德厚以子貴贈工部尚書追封安定郡侯

玉田  
縣志







元

王從政遵化人由國子生為安平尹清慎愛民祀名宦

據安平縣志補

入

忙古歹蒙古人始家於遵世祖時官至右丞相守正不阿入

名臣紀今州張氏即其族姓

張拾生六歲而孤母撫之稍長輒力作以贍親元末隸軍伍  
農出役必拜母而往歸亦如之夜則候母安寢乃退母恆患  
目無旦夕焚香祈復卧冰上者幾一日母目病尋愈事上聞  
朝廷為之表閭蠲其軍役御製詩二首紀其事

遵化通志

卷五十

列傳

元

二



玉田縣

楊時照字春卿玉田人嘗爲興文署丞幼穎悟質厚制行不爲崖岸教授二十餘年士大夫多出其門下築一室環種竹名曰庸齋圖其象爲野服蕭然病革訣其門人曰予平生無愧于世言已卒

據劉靜修文集補入

遵化道志

卷五十

列傳

元

三



胡貴遵化衛鎮撫洪武三十五年之變賊兵圍城貴用賁通方略拒守四十餘日卒賴保全歷官都督僉事崇祀鄉賢賁通爲博士有方略洪武三十五年兵變圍城人情倉皇通爲鎮撫胡貴決策多方拒守終不可下賊乃解去論功授鴻臚寺署丞

張肅永樂癸卯舉人山東陽穀知縣廉介有守歷三任二十七年加六品服致仕歸寒素如故課耕訓子夷然自適終其未嘗有他求壽八十四卒

馬榮遵化衛指揮同知景泰初陞叅將略正統己巳之變多樹邊功喜峰口羅文峪等關及縣城鼓樓皆所修建官至總兵

遵化通志

卷五十

列傳

四

陳景先東勝右衛指揮使捍禦邊疆饒有勇略詳鎮守名臣傳崇祀鄉賢

李迪東勝右衛指揮使操行端謹博學能文陞署都指揮提開平等衛多惠政軍民德之

李恭成化己酉舉人賦性耿介立行端方任河南衛輝通判以憂歸服闋將起曰吾迂直不宜仕途遂不復出家貧處之怡然杜門掃軌不通公府

成英正德三年進士出宰河內有政聲行取御史持廉秉公剔奸釐弊風裁茂著出爲山東按察副使及歸田廬一無所增出入不乘軒輿無少長貴賤咸接以禮樂道人善從不發人陰私戚族婚喪藉以舉者甚眾

劉亨遵化人洪武間知汾西縣以政平操潔著聲陞平陽府



同知 通志

馬昭遵化人官鎮番守備累功陞都閫成化間拓城開學修衛治建鐘鼓樓皆所經畫性勇敢善戰其兵器有飛搥能掣

寇於百步外人呼為馬搥竟沒於陣救封鎮國將軍 甘肅通志

張俊東勝右衛人父謹早喪俊事母杜氏甚敬每食同妻韓

氏拜而饋獻日奉青蚨任母施濟母卒廬墓三年鄉人稱張

孝子

曹廷元縣學生早失母事父至孝定省溫清克盡子職父疾

晝夜侍湯藥禱天願以身代比卒勺水不入口者五日哀毀

骨立結廬墓側朝夕哭奠三年如一日墓前草木未春而青

人以爲孝感之徵撫按欲會題旌獎廷元力辭而止

王雄力稽治生慎素履重然諾少時嘗路獲遺金守待失者

遵化通志 卷五十一 列傳 明

五

兩日始至乃悉還之縣西五里有河無梁涉者病之雄捐金

助官興建即今通遠橋也嘉靖十六年大饑雄罄儲粟二百

石銀三百兩濟饑多所全活年八十卒子心以諸生擅文名

陳瑤性緘默行篤實厚於宗黨與王雄同里友善嘉靖十六

年捐金五百助雄糴賑並助建通遠橋年七十卒子耀萬厯

癸酉鄉薦任山東萊州府推官

張守直字時舉一字筆峰元丞相忙忙古歹九世孫厚重清

儉剛方正直嘉靖二十二年進士知浙江嘉定縣故有收頭

一役充之者無不破家守直罷不復用他如庫子里長凡爲

民病者悉罷之 江南通志興學勸農賑粟講武表節義省供億禁

游惰興水利分沙田清鹽課六事詳縣志者皆遺愛也器識

太倉王錫爵後果入相內陞兵部主事調吏部考功文選郎



中嚴氏父子有所關說若弗聞者擢太僕大理少卿手成世蕃獄詞歷光祿卿戶部侍郎總督倉場上便宜五事徙工部督顯陵工省費鉅萬中忌改南京大理卿陞戶部右侍郎召入晉尚書數上書請量人為出詔著金布令甲掛冠日敝車

羸馬蕭然歸里如寒素卒祀鄉賢

明却杰撰戶部尚書筆峰張先生傳先生諱守直字時舉號筆峰世籍薊州之遵化祖士能舉明經知山西榆次調金壇父繼本為通州幕並以先生貴贈工部左侍郎大母母皆太淑人先生幼負雋才嘉靖丁酉舉於鄉甲辰成進士徒知嘉定縣事嘉定歲邑賦甲於一切更始簿書獄訟手自關決吏出納多所侵牟先生下令一更始簿書獄訟手自關決吏胥不得寅緣為奸其他善狀不一者與學校勸農賑粟講武表節義省供億禁游惰與水利分沙田清鹽課其在邑乘皆實由也三載最陞兵部主事調吏部歷考功文選郎中先生相嚴當國政以賄成而其子世蕃恣橫時時有所關說先生無何分宜敗阿附者卒從史議先生獨蟬然不滓者聞當世由吏部擢大僕大理少卿已復改光祿卿供內府膳饈中涓以非例請者率格不行歲省巨萬在大理會世蕃對簿欽庭

遵化通志

卷五十一

列傳

明

六

獄具不知所坐先生屬聲曰春秋重無將之罪與子詈父問科葉魯傳致無辜盍反諸以明天道論決如法尋陞工部侍郎總督倉場條理便宜五事報可行之是年顯陵工興先帝知先生之敦於事也徙工部以左侍郎領提督是時歲比不登役浩穰詔修故實所倚辦諸錢值所出七十二萬緡吳蜀豫章之間徵發騷動守臣錯愕不知所省費視前七十二萬緡也程材無淫物有稱事無誦工計所省費視前七十二萬緡緡纔五萬耳工成不愆於素不擾於民向有求多於戶部右者會隆慶召入戶部左侍郎晉部尚書先生始蒞南京按閣內帑出入數伏闕上書大畧謂國家經費當量入為出而九塞以軍興請度支金錢無算朝請朝裁濶狹籍奏歲以爲用也市租出入幕府不當問者豈盡歸無下令軍吏取財爲用耶否則乾沒者法無赦容臣等按牘覈焉認若金布令甲至今稱便先生入鏡利權盡公不顧私媿身無二慮以此媿生歸矣歸元旨於世味泊如也久之居蔽闕章部使者累薦起先生竟不果先生外坦中嚴志潔復官致仕計聞曷羨祭如制采居無華屋其天性則然尤明於知人獎拔士類多詞名實即郭泰許邵無以過也丙辰分校禮闈不佞忝出先生門下感國士之遇無能圖報萬一謹撰遺事備傳信史先生子宏



仁先卒孫一經明經彬彬世其家贊曰先朝梁端肅公在  
部守道守官厄而不行蓋處時勢之難也先生當穆皇御  
體局一變遭逢明盛功見言信本有天幸哉憶昔爲兩稱知  
方而爲圓兩失之矣直而不撓曲而不訕既明且哲移保不  
身殆庶幾焉惜也夫用不盡材甘菟裘以終世進不盈移退不  
害威有古大臣之風云

陳于階嘉靖四十一年進士知江南桐城縣行一條鞭法吏  
胥斂戢當善善之請檄天下以爲式江濱有洲沃衍數十里  
于階爲築隄成田歲獲穀數十萬石民名之曰陳家洲云前  
志通行取御史官至副使

賈應元字仁甫少岐嶷饒遠略攻苦食貧力學不輟嘉靖四  
十一年聯捷進士工部營繕司主事分司臨清甄廠歷守濟  
南揚州手裁懍烈人不敢干以私陞山西副使備兵陽和凡  
詰戎理餉開市收貢悉心綜核邊境畏服超遷右僉都御史  
巡撫大同雲中條陳入事曰增民堡添墩臺備器械固邊牆

遵化通志

卷五十一 列傳 明

丈屯田獨逋賦選正官歸土兵俱報可鎮屬官商以運餉積  
逋多瘼死應元悉請蠲除全活甚眾羨餘贖餼概出以勞軍  
市馬主築各路堡砦者皆專奏保之任事八年恩眷特隆十  
膺金綺之賜入爲兵部右侍郎轉左協理戎政雲中士民立  
祠祀焉以忤執政被劾逮問巡按御史徐鳴鶴力爲申雪獲  
免歸杜門卻掃足迹不至公庭然於地方疾苦每毅然閭閻  
請命嘗勸立平鋪法以甦偏累歲輸米粟濟饑並周戚里之  
貧者年七十七卒贈兵部尚書崇祀鄉賢

參山西通志

楊允中字印南嘉靖四十四年進士選庶吉士河南道御史  
左遷陝西府同知萬曆十年歲凶嘯聚者甚眾允中單車夜  
馳集千百長調度團練渠魁就擒境內以安官至通政司叅

議

參陝西通志



王楣嘉靖四十四年進士簡靜端方寡言笑慎取予任陝西鳳翔知府將考滿卒於官櫬歸別無長物圖書數卷而已崇祀鄉賢

茹宗舜字子孝隆慶五年進士知江南武進縣吏民之姓氏里居一問輒識之政肅而寬未嘗以聰察自善官至陝西參

政參江南通志

陳堯賓萬厯間由吏員官山西稷山縣主簿以文量田畝捕

獲盜賊著聲陞山東齊河縣丞

山西通志

劉學會仗義好俠而富於財有劉八缸之稱萬厯四十五年

丁柯之亂助餉萬金巡按上其事詔授壽官晉秩四品冠帶

縣南文峰埕南極廟關閣境風水皆所修建孫見龍等有名

庠序

遵化通志

卷五十

列傳 明

八

汪達淵字振海唐越國公華苗裔少孤事母至孝年十七入

縣學賈應元器之以弟之子妻焉舉天啟元年鄉試署清豐

教諭課士有聲厯國子監助教工部主事監修圖丘三壇工

堅費省土嘉賞之後忤當事左遷河東運判泣任期月鹺務

悉清崇貞十五年陞江南寧海知州未幾寇至逢淵會紳民

力守卒以身殉州人環柩號哭俱失聲子之洙扶柩歸葬撫

按上其事褒卹有加祀寧海名宦

時方昱天啟四年舉人累官陝西汾州道副使入覲候領敕

書適流寇陷京師不屈而死

李素以義俠稱巡撫劉詔懸魏忠賢像於喜峰行署率文武

將吏五拜三叩首兵備副使耿如杞獨不拜忠賢聞之怒矯

詔逮下獄坐贓嚴比素發憤上書願以身代死罹杖責後聞



縣富人醵金入都賂璫求解皆素義憤有以激之也璫敗如  
杞得釋起官

張一經縣學廩生以祖守直廕授戶部員外郎崇貞二年城  
陷死之

張人龍崇貞元年恩貢知河南寶豐縣流寇破城不屈死

國朝賜諡節愍勝朝殉節錄

張光祖任薊州守備崇貞十五年以身殉城

劉爾科縣學生博極羣書性甘淡泊以父疾潛心醫理早歲  
不應舉得太素真傳於五行生尅之數剖抉至微嘗以數語  
發伏導鬱病者每不藥而愈好活人一介不取時藉藉稱名  
醫高尚之風幾為所掩都御史劉曰梧撰劉隱士傳特重其  
品云

遵化通志 卷五十一 列傳 明 九

劉隱士傳 昔司馬季主隱於漢託迹下肆與宋中大夫賈  
博士上下其誦議齟迷導悟一席千古巖文隱士闔然自修  
而深心質行足于古者乃今得醫隱劉生爾科馬初余下車  
求醫意塞僻醫無良焉者邑人具曰劉生實良然士也非醫  
也生父嘗委頓急醫棄諸生而攻之故良也余實攻之則深  
厚坦足意用於世因諷曰有才如生矣不仕也生謂非分之  
福不為意意外之禍不及避也前部院數強生仕而不願也  
久之有司以賓賢贊余願獨舍劉生余謂令邑多賢哉猶有  
右劉生者乎邑大夫作而不願聞然隱君子非耶彼之得來宗  
顯也夫視其所不為所不願聞然隱君子非耶彼之得來宗  
伯蘭囑所為生傳多所稱許而余固獨善生質行無高世震  
俗事乃諮之事罔弗悉也與之程人才緘不掛臧否也語不  
及私也同嘉與生而所以嘉異也前二十年余鄉良醫易思  
蘭氏高誼疾易至遵化立起之劉生因王中丞以交於易得  
王公遺奇疾易至遵化立起之劉生因王中丞以交於易得  
其傳喜施而不遺寒素亦類之相漸以仁宏造多矣豈第導  
發迷悟功耶



